

**Dissertatio medica inauguralis de inflammatione in genere : indultu
gratiosae facultatis medicae praeside Burcardo Davide Mauchart ... pro
licentia summos in arte medica honores rite capessendi / respondentе ac
authore, Gallo Henr. Becher ... d. 16. April. An. MDCCXL. ventilata.**

Contributors

Becher, Gallus Henricus.
Mauchart, Burchard David, 1696-1751.
Universität Tübingen.

Publication/Creation

Tubingae : Typis Roebelianis, [1740]

Persistent URL

<https://wellcomecollection.org/works/mykhq239>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSE
DISSERTATIO MEDICA INAUGURALIS

D E

NFLAMMATIONE IN GENERE

NDULTU GRATIOSÆ
FACULTATIS MEDICÆ

PRÆSIDE

BURCARDO DAVIDE
MAUCHART,

ED. ET CHIR. D. MED. ANAT. CHIR. BOT.
P. P. O. CONSIL. ET ARCHIAT.
WIRTEMBERG.

PRO LICENTIA

SUMMOS IN ARTE MEDICA HONORES RITE CAPESSENDI.

RESPONDENTE AC AUTHORE.

ALLO HENR. BECHER, Waiblinga-Wirt.

d. 16. April. An. MDCCXL. ventilata.

TUBINGÆ,

Typis ROBELIANIS.



PRÆFATIO.

Miraberis quidem, *Lector benevole*, quod tale dissertationis inauguralis thema elegerim, quod non modo ab antiquioribus satis fuerit superque excussum, sed a recentioribus etiam toties recocatum, solidisque principiis tum physico-mathematicis, tum medicis confirmatum. Verum quid hodie quæso dici potest, quod non sit dictum jam olim? Reproducuntur ut plurimum in scenam res eadem, nova saltem veste induitæ, ac externa novitate quadam se commendant nihiloscius. Sistam igitur & ego tenuibus hisce pagellis aliquod specimen, quod, si non novitate, vel ingenii acumine, brevitate tamen & claritate, imo & amplissima, eaque gravissima disputandi materia se commendet, numerosum scilicet morborum genus: *Inflammationem*, non ea quidem intentione, ut variantes sententias vel recenseam, vel refellam, vastissimumque inflammationum campum emetiar totum, sed illis modo inhæream, quæ ve-

riora quæque potiora mihi videbuntur. Si tamen a recto tramite aberravero, rectiora edoceri paratus, veniam, quam exoro, me impetraturum esse confido faciliorem.

§. 1.

Solidis atque fluidis partibus constare *corpus nostrum* vel solo externorum sensuum testimonio patet clarissime.

§. 2.

Solidas partes, ea voco corpora, quorum massulæ quantælibet sunt connexæ :

§. 3.

Fluidas vero ea corpora, quorum massulæ quantælibet sunt inconnexæ, mutua cohæsione a causa quacunque impedita.

§. 4.

Solidas definiunt aliâs quoque quæ propriis limitibus continentur, atque fluidas continent : fluidas vero è contrario, quæ alienis limitibus coerceri debent. Illas ergo vocant partes *continentes*, has *contentas*. Quæ veteribus dicuntur *impetum facientes* reducuntur ad fluidas, utpote majorem fluiditatis gradum, spirabilitatem & volatilitatem referentes.

§. 5.

Transitum tamen atque mutationem *fluidarum in Solidas* plurima testantnr phænomena : Primigenium embryonis, & continua-
tum per annos incrementi corporis augmentum, nutrimentum : Cutis, carnis, cartilaginis, imò & ossis, singulorum varia de causa ablatorum, deperditorum, regeneratio, restitutio : Lymphæ serique concretio gelatinosa, solidescens, tartarea, calcaria &c. Purpuræ sanguinis fibrofa, tenax concretio.

§. 6.

Vicissim vero *Solidarum* resolutionis, emollitionis fusionis atque mutationis in *fluidas* specimen haud unum præbet *corpus nostrum*,

strum, tam in pathologia, quam therapia. Ossium e. g. in spina ventosa, pædarthroce, putrida, saniosa resolutio ac consumptio: substantiæ fibroso-carneæ, membranaceæ, vasculosæ in ulceribus, maxime malignis exedentibus, venereis, cancrois, diffluxio ichorosa. Tumorum variorum, induratorum, excrescentiarum &c. dissipatio, earundemque particularum cohærentium, concretarumque resolutio, quæ aliter fieri nequit, nisi ut fluiditatem adeptæ vel transpirare, vel in revehentes absorberi canales debeat.

§. 7.

Confirmant utramque hanc metamorphosin innumera triplicis, sic dicti, regni, animalis, vegetabilis atque mineralis exempla, tum & plurimæ operationes chymicæ.

§. 8.


Sed perpetuo tamen, plus minus evidenti arcto^eve *connubio* junguntur utræque, solidæ scil. & fluidæ partes. Nulla certe corporis nostri vel solidissima est pars, quæ non pateat fluido permeanti, illudque in se receptum, per analysin chemicam reddat. Nulla fluida, quæ solidis, in ea diffusis atque suspensis, non referta sit particulis, exemplo sanguinis, lymphæ, salivæ, bilis, urinæ &c. Extra corpus nostrum patet, quanta tartari copia insit vino: quam aqua, etiam purissima visa talisque per frequentes redditæ destillationes, terram nihilominus servet individuum comitem.

§. 9.

Permeabilitatem hanc, de qua jam olim Hippocrates differuit, corpori præstant pori, interstitia, sinus, canalici atque canales variis, tanquam instrumenta & media transitus, passive ut plurimum se habentia. Accedit vis & potentia movens varia, mechanica, hydrostatica, hydraulica, aereo- elastica.

§. 10.

Infitorum ejusmodi *motus instrumentorum*, simplicium atque compositorum *primarium* laudo *Cor*, antliam illam tam ob immensas, quas exercet, vires, quam ob motus perennitatem, plane stupendam.



§. 11.

Expellit validissimus hicce musculus, non a Lovvero aliisque recentioribus demum, sed ab Hippocrate jam pro tali habitus, è mira fibrarum carnearum implicatione, sinistri maxime ventriculi spissiore ac validiore fibrarum agmine compositus, è thalamo suo sinistro omnem illam sanguinis massam sursum deorsumque ad omnes ac singulas corporis nostri partes vel remotissimas quam efficacissime.

§. 12.

Calculum hujus potentiae cordis, sive Borellianum, sive Keilianum, sive Michelottianum, seu alium adsumamus, à nemine fortassis unquam indubitato determinabilem, hoc tamen assertum firmo stat talo: *Cor* sicut in principio vitæ primum, in fine ultimum est movens, ita primarium esse instrumentum motus tam sanguinis quam omnium corporis nostri liquorum.

§. 13.

Vires vero cordis insignes esse oportere, & quantitas sanguinis, quæ in homine adulto vegetoque ad viginti aliquot libras computatur, & partium tam solidarum quam fluidarum graves innumeræque resistentiae, quas cor superat, aperte loquuntur. Confirmat aliqualiter insignis nisus atque vis, quos adhibere cogimur in replendis, mediante syringa anatomica, vel solis vasis arteriosis infra cor sitis, facto impulsu in aortam, quam vocant, descendenter, per materiam liquefactam, in via tam cito non concrecentem.

§. 14.

Arteriae, quæ sanguinem, e sinistro cordis ventriculo expulsum ad partes deferunt sunt canales albicantes, validis tunicis, tendinea maxime & musculosa instructi, elastici, pulsantes, ramosi, valvulis destituti (si principium aortæ & arteriæ pulmonalis exci-

excipias) conoidei, à suo principio ex ampliore diametro in magis magisque angustiorem desinentes, donec ultimis capillaribus extremitatibus, diverorum ramorum inter se perpetuo communicantibus, intra partium quibus inferuntur, substantiam terminentur in varios plexus, retia, glomeres, spirulas atque penicillos, vel in venarum aliorumque revehentium & absorbentium canarium principia.

§. 15.

Resistunt ipsæ arteriæ impulsu crux ob parietum suorum robur & tenacitatem, figuram conicam, varias curvaturas & angulos, extremitatum angustias. Hinc quanto fit arteria successiva angustior, tanto celerius moveri oportet sanguinem (per princip. Hydraul.) In ultimis tamen extremitatibus tanta non amplius vigere hæc celeritas videtur, quod sanguinis plurimum per ramos laterales in toto arteriæ tractu & in fines sv. ramulos innumeros capillares dividitur & absumitur.

§. 16.

Sed arteriæ tamen vi sua contractili simul inserviunt sanguinis propulsioni, sive motui progressivo. Unde motum experiuntur, sicuti cor, *Diastalicum*, sanguinis receptivum, atque *Systalicum*, ejusdem propulsivum: Illum repletivum, qui tangitur in pulsu, dum cor in systole constitutum est, hunc contractorum depletorium, dum cor est in diastole.

§. 17.

Arteriæ venis sunt & pauciores & angustiores, sed tanto celerius in illis movetur sanguis, ita ut totus sanguinis circulus in homine adulto ac sano decies quater vel quinquies circiter absolvatur intra horam.

§. 18.

Gravitatio ac impetus propulsi sanguinis ac arteriarum in genere major erit in trunco, ramis, trunco vel cordi propioribus, arteriis

arteriis rectilineis , longis & per declive incedentibus (per princip. Hydrostat. & Hydraulic.)

§. 19.

Ergo validus sufficiensque fit *impulsus arteriosi sanguinis* in partes ultimato ; nec debilis nimium , qualis omnino & motui sanguinis per partem progressivo & nutritioni & variæ secretioni officeret, nec impetuofus nimium atque violentus , qualis congestiobus , stasibus , dolori variisque ansam præberet incommodis.

§. 20.

Atque sic patet quoque *massam humorum*, arteriosis hisce canalibus contentam , jugi agitatione , attritu , frictione , rotatione , *fluxilem* subactam , magis magisque *homogeneam* , *calidam* , *spirituosamque effici*.

§. 21.

Id quod tanto magis requirebatur , quo *variis heterogeneis* , *ramosis* , *angulosis* , *crassioribus particulis* , cum chylo affluis , e corde sinistro prodiens adhuc *scatere sanguis* , suaque ipsius *natura in varia staseos ac corruptionis vicia pronus supponitur*.

§. 22.

Constat enim tam synthetice , per elementa cibi potusque , nec non lymphæ ac venosi sauguinis ad cor reducis , quam analytice per chemiam , quod *sanguis* , & ipse arteriosus , serosis , lymphaticis , *gelatinosis* abundet particulis : nec paucis instruatur *sulphureo - oleosis* , inflammabilibus : Nec *salinis alcalinis* , volatilibus maxime ac urinosis , careat , paucis admixtis *terreis* ac *alcalinis fixis*. Litem illam de *acido sanguinis* jam non tango.

§. 23.

Arteriosus autem prævenoso sanguine hoc sibi vindicat peculiare , ut exaltato magis , coccineo , colore rutilet , magis calefacat , extra

& intra corpus brevi in fibrosas massas solidas congrumescat. Unde paucus ille qui in demortuorum, sicca morte peremptorum, arteriis reperitur sanguis ordinario in grumos & fibras coalitus, venosus autem observatur fluidus; Ipsi etiam polypi, in arteriis periundi, solidiores atque tenaciores observantur ordinario, quam qui delitescunt in venis.

§. 24.

Unde *fluidior*, ob serum quod vasa lymphatica infundunt ei, dilutior, temperatio respectu caloris, agnoscitur quidem *venosus sanguis*; *Arteriosum* tamen mobilitate non superat, etiam respectu substantiae, quæ ob globularem figuram & validissimum propulsio- nis impetum pernicissime agitatur tam vorticoso intestino, quam pro gressivo motu. Imo vero ipsæ venæ, juxta alia motus admixtæ, socias tantum non ubique arterias habent, ut ab arteriis pulsantibus motumque communicantibus sanguis venosus propellatur.

§. 25.

Jam si vitium sit vel in *arteria*, vel in *sanguine*, vel in *notu*, vel in *parte*, cui arteria inseritur, diversos affectus præternatu rales oriri necesse est. E quorum copiosa sobole *Inflammationem* pro themate præsentis dissertationis selegi.

§. 26.

Inflammatio est morbus intemperiei calidæ, cum partis affectæ umore, rubore, calore, dolore, ortus à sanguinis, arteriosi potissimum congestione, infarctu, stasi, exrravasatione, fervore, in omni us corporis partibus, quæ vasis sanguineis donantur, oriri aptus.

§. 27.

Subjectum igitur, cui inhæret *inflammatio*, constituere pos nt solentque omnes membranæ ac tunicæ, glandulæ, musculus, sceris parenchyma, vasa & canales omnis generis, ipsissima etiam

vasa sanguinea, nervus, tendo, ligamentum. De cartilagine vero ac osse minus prædicari solet potestque inflammatio; uti & de partibus fluidis efficienter potius, quam formaliter, & impropte prædicatur. Unde sauguis dicendus potius est calidus, fervidus, inflammatorius, quam inflammatuſ. Nullibi tamen notio inflammationis medica in sensu physico stricto est accipienda.

§. 28.

Ramuli vero arteriarum minimi, qui in statu naturali portione sanguinis purpurea & colore rubro pariter destituuntur, ac liquor aliquis, abunde coloratus, in capillaribus tubis vitreis colorem amittit, *in statu hoc præternaturali inflammatorio dilatantur*, ampliantur & densiorem, solidiorem *purpuream sanguinis portionem extraordinarie recipiunt*, exemplo tunicæ oculi testisque albugineæ, inflammatarum.

§. 29.

Inflammatio alia est diffusa, superficialis, alia concentrata, profundior: Illa *erysipelacea*, *rheumatica*, hæc *phlegmonodes*, *apostematodes*. Alia *benigna* ratione tolerantiae ac eventus: alia *maligna*, molestior, periculosior, *gangrenosa*, *cancroſa*, *carbunculosa*, *petechialis*. Alia *simplex*, mere sanguineæ, alia *composita*, accidente multa serofaci chorosa colluvie. Alia *externa*, alia *interna*, in partibus vel ex-vel internis. Alia *sine*, alia *cum febre*. Alia *stabilis*, fixa, alia *vaga*, periodica & recidivans.

§. 30.

Signa diagnostica generalia illis ipsis phænomenis constitutivis (§. 26.) comprehenduntur. Ita vero se excipiunt ordinario, ut, facta stasi, (§. 33.) tumorem rubor & ardor subsequantur, dolorque vel pungitivus, vel lancinans, vel pulsatorius, brevi subjugatur. *Signa specialia diversarum inflammationis specierum*, & in diversis partibus occurritis, è §. 29. partim petenda, partim è ratione situs, connexionis & actionis cuiuslibet partis internæ affectæ colligenda sicco heic pede tranſeo, ad prolixitatem evitandam.

§. 31.

Causæ remotæ proegumenæ ac procatarecticæ, è censu rerum naturali non naturali. & præternaturalium potiores hæ sunt: Ætas infantilis, respectu dentitionis, juvenilis, in ordine ad vigorem fervidum: Temperam. sanguineum, cholericō - sanguineum: Dispositio bæreditaria, in erysipelatosiſ, arthriticis, nephriticis manifesta: Aër fervidus, nec non intense frigidus, ille sanguinem vehementer commovens, incendens, hic incrassans, figens, fibras solidorum stringens, deſtruens. Cibus & potus calefaciens, aromaticus, spirituosus, quantitate & qualitate peccans. Frigidus potus, æſtuante corpore ingurgitatus, subitas inferens ſtaſes. Quorū & ſpectant glaciales illæ, frigidissimæ, magnatum cupedie. Affectus animi, ira, excandescientia, terror. Motus corporis nimius, exagitans, vi impellens sanguinem, idemque deficiens. Vita defes, incrassationi & ſtaſi sanguinis favens. Transpiratio, sudor, hæmorrhagia narium, fluxus mensium, lochi-orum, hæmorrhoidum, fonticulorum, ulcerum antiquorum, suppressi. Evacuationes nimiae, ſubitaneæ, ſive ſpontaneæ, ſive artificiales ſanguinis ſeriue. Plethora: Injuriæ externæ, contusio, vulnus, spina infixæ: Acria rosiva, cauſtica, extus & intus applicita: Sinistra medicatio & suppressio febris intermittentis: Obſtructiones, Tumores, Spasmi, inæqualem ſanguinis circulum inferentes.

§. 32.

Causa materialis proxima est ſanguis arteriosus copioſe & impetuofe congeſtus, ſtagnans in minimis arteriæ extremitatibus, effuſus tandem in interſtitia & poros affectæ partis veram efficiens ſtaſin; Multo igitur majore copia & celeritate influus atque accumulatus, quam qui, vel ad nutritionem & ſecrationem expeditat, vel revehentibus vasis debite ſatisque cito poſſit abſorberi.

§. 33.

Stagnationem ſanguinis appello, quando is multo lentius & impeditius per vasa, capillaria maxime, progreditur. ſtaſin vero um penitus ſubſiftit, detinetur, quiescit, ſive intra, ſive extra vasa.

§. 34.

Causam efficientem proximam modumque sic mihi concipio: motus ille vitalis, circulatio sanguinis vel intenditur, augetur, vi cordis & arteriarum undecunque aucta movendi sanguinis mole, orgasmo, spasmodicis circa viscera, aut majora vasa, constrictionebus, propellitur ita sanguis copiosius atque velocius in partium substantiam, incalescit ipso hoc motu intensius, infarcit, distendit, obstruit alios atque alios tubulos, è stagnatione stasin (§. 33.) incurrit & corruptionem, denique putrefientiam; Hinc tumorem, ruborem, calorem, dolorem non potest non inferre. Sic in hydraulicis vergit impetus & directio liquidi, per consuetos canales recta pergere prohibiti, in canales laterales atque tubos apertos, & eò maxime determinatur, ubi minimam invenit resistentiam. Talisque modus est per αντιν, scilicet expunctionem, veteribus dictam.

§. 35.

Vel in parte affecta stimulus est, spina infixa, sive intus sit genita, in partem decumbens, sive foris illata, quæ solutionem continui aut intentat, aut efficit, extra vasationem sanguinis causat, circulationem turbat, æquilibrium humorum magis magisque tollit, nervos & fluidum animale commovet, stimulat, sicque motum cordis ac arteriarum provocat auctiorem. Unde (per principia hydrostat. & hydraul.) æquibrato fluido sanguineo in tubulis licet inclinatis, incurvis, inversis, & diffuso in canales jam magis expansos & patentes rubor & tumor circa locum stimuli exoriuntur, id vero quod jam extra vasa erupit, nisi resorbeatur aut dissipetur, suppurationem, vel ichorescentiam, vel putredinosam incurrit corruptionem. Veteribus hic modus, ἐλξις, tractio, dicitur.

§. 36.

Hæ causæ (§. 34. 35.) persistentes, vel sponte, vel remediorum usu viam sibi denique faciunt, ut orificiis atque canalibus successive magis dilatatis, absorbeatur & insensibiliter resolvatur congestus sanguis omnis, vel saltem mobilior subtiliorque pars, remanente

nente fixiore, terrestri, glutinosa *parte*, sensim *induranda* in scirrum. Si ingravescant eadem causæ, summum inducunt inflammationis gradum, fibras canarium vehementer distendunt, perrumpunt, sanguinem ac lympham stagnantes & effusos deducunt, pro horum indele, vel sulphurea magis atque blanda, vel salina, acriore, corrosiva, mox in *emollitionem apostematicam*, mox in ulcerosam erosionem, mox in corruptionem gangrenosam, mox in depascentiam cancrosam, quin & putredinem sphacelosam.

§. 37.

Febrem in plerisque inflammationibus accendi non miror, cum motus, intestinus & progressivus, atque calor sanguinis adaugeantur, solidorum oscillationes provocentur & stimulentur, secretiones atque excretiones turbentur, atque sic *vel* antecedenter in massa humorum, aut in solidis aliqua niduletur causa, quæ crasin & æquilibrium humorum turbat, solida stimulat, spiritus animales concitat, quæque in partem denique quandam, sive externam, sive internam decumbit: *Vel* ex ipsa parte inflammata portio sanguinis ac lymphæ, fervidioris, acriis, putrescentis, in communem sanguinis massam revehatur, mediantibus venis sanguineis atque lymphaticis.

§. 38.

Cur autem *inflammationes* erysipelaceæ, phlegmonodæ, in primis vero arthriticæ ordinario saltem *occupent extremitates corporis nostri*, sive artus? plures possunt esse rationes. Notum est (per hydrostat. & hydraul.) liquida tanto magis gravitare in fundo vasorum, quo canales sunt longiores & altiores: respectu igitur arteriarum, quæ per artus decurrunt longioribus truncis, major erit pressio partium, quibus inferuntur, respectu verò venarum tanto difficilior per acclivia sanguinis reditus atque adscensus. Variis insuper externis injuriis atque causis exponuntur magis obvii artus, ad inflammationem disponentibus: e. g. labori, plurimum sanguinem arteriosum, invitanti & refrigerio, stasibus faventi. Tum quoque in artibus & peripheria corporis tantum ex arterioso san-

guine non impenditur adsecretiones, ac vel in capite, vel intra corpus, atque sic arteriosus sanguis majori copia virium integrarum ad partes defertur.

§. 39.

Sed & ipsa *inflammatio internarum corporis partium, viscerum maxime ac tunicarum, est multo frequentior, ac vulgo videtur. Nec abs Henr. Screta accusatos in his modos & gradus inflammationis adeo exsibilandos esse, uti Schelhammero videtur, cum authoribus Historiae morborum Uratslaviensium judico.*

§. 40.

An *natura* alio, quam hactenus explicito mechanico modo, scil. per intentionem atque *certum* sibi *propositum finem* moraliter *concurrat*, atque sic vera proxima sit inflammationum causa, jam non disputo? quamdiu tamen causæ physicæ & mechanicæ suppetunt manifestæ, in his potius acquiescendum, quam ad absconditas, obscuras, difficiles dubiasque configiendum censeo.

§. 41.

Prognosis inflammationis in genere huc redit: vel *resolvitur*, dissipatur successive: vel *ad suppurationem* & *abscesum tendit*; vel *exsiccatur* & *indurescit*: vel *putredinose corrumpitur* & *sphacelatur*. Primus modus est optimus, alter tolerabilis, pejor tertius, pessimus quartus. Quo pars inflammata structuræ magis est membranaceæ, vasculosæ, nerveæ, functionis nobilioris, & debilioris: quo juncta febris continua, acuta, gravior: quo partes contiguæ, aut functione correspondentes sunt majoris momenti, eo gravior atque periculosior est inflammatio. Alia paucorum dierum decursu vel resolvitur, vel suppurratur: alia diutius perstat, saepe etiam evanuisse visa ex improviso recurrit & tunc in pejus ordinario ruit. Foris intro versa, malum, intus foras, bonum. Specialem abscessus, ulceris, gangrænæ, scirrhi, sphaceli &c. prognosin transmitto.

§. 42.

Tberapia has suppeditat indicationes: 1.) Resolvere, discutere, dissipare Stagnationem atque Stasin. 2.) Congestionem afluxum

fluxum ulteriore, nimium impedire. 3.) Si resolutio sit irrita, emollitionem, coctionem, maturationem promovere. 4.) **Pus** coctum tempestive educere. 5.) Abscessum mundificare & tandem consolidare. 6.) Corruptionem putredinosam in gangrena, sphacelo &c. detergere, consumere, tollere & denique cicatricem obducere. 7.) Exsiccationem scirrhosam, si fieri possit resolvere, imminuere, aut intra limites saltem continere. 8.) Symptomatis urgentibus, dolori, spasmo, vigiliis &c. occurrere.

§. 43.

Amplissima foret omnium harum ac singularium indicationum deductio & excussio, limites propositos transiens, ideoque *ad binas illas primas & primarias* (§. 42.) duntaxat attendere animus est.


§. 44.

Neque circa modum agendi resolventium medicamentorum physico-mathematicum desudare volo, quod hac demum septimana in disp. inaugurali Weisiana, de Resolutione massæ sanguineæ p. n. li id jam sit actum. *Resolutio* autem stagnationis atque staseos (§. 33.) sanguinis, respicit vel massam sanguineam in genere, Spissiorem, minus mobilem: Vel sanguinem in specie, arteriarum ultimis canaliculis impactum, lentius progredientem aut plane subsistentem, (§. 34. 35.) extravasatum, corruptum.

§. 45.

Resolventium internorum & externorum classem nomenque heic subeunt omnia ea, quæ tenuibus, subtilibus; aqueis diluentibus; salinis incidentibus: sulphureis expansivis, actuantibus: terreis & terreo-alcalinis absorbentibus, præcipitantibus gaudent particulis. Spectant huc sicut dicta *aperitiva*, *diaphoretica*, *diuretica*. In ordine & tempore executionis vero primam hanc indicationem aliquando antevertit secunda (§. 42.) cum scil. plethora, motus congestorii & nobilioris cuiusdam internæ partis conditio requirunt promptissimam ulterioris infarctus abolitionem.

§. 46.



§. 46.

Resolventia interna sunt: Herbæ scord. Hyssop. Chærefol. (recentis maxime) meliss. Hed. terr. Veron. Flores bellid. min. Hyperic. Hb. c. fl. arnicæ: Radices ari, V. aperient. Hirundinar. Angelic. Carlin. Pimpinell. min. Scorzon. Qualia in forma apozematis vel decocti possunt propinari. Cortex calcarillæ: Crocus, Camphora, sem. card. bened. & Mariæ, Castoreum, sanguis hirci, mumia, sperma ceti. Salia media, e. g. Nitrum, Tart. Vitriolat. Arcan. dupl. Terr. foliat. tart. Item salia alcalina fixa per incinerationem parata. Spir. & sal volat. C. C. Liquor. C. C. succin. Spir. sal. ammon. mixt. simpl. Lud. &c. Cinnab. antim. & nativ; rectif. Specificum ceph. mich. Lap. cancror. pp. mater perl. pp. Conch. pp. Antim. diaph, Pulv: pannon. r. Lap. cancr. acido citri. vel aceto destillato saturati.

§. 47.

Resolventia externa: Herbæ Serpill. Origan. Rorismar. Majoran. Hyssop. Rutæ, Salviæ, meliss. absinth. sabin, Flores sambuc. Lavend. Melil. Chamomil. Radix ir-flor. & omnes §. 46. nominatæ. Cortex medianus sambuci, Crocus, Camphora præcipue. Farina avenacea, Furfures, sal culinar. Baccæ junip. Lauri. Myrrha, Olibanum. Applicantur parti inflammatæ in *sacculis siccis*, vel *humidis*, & *epithematibus* calidis, in vino simplice, vel aqua calcis vivæ remixto coctis, vel & in *cataplasmatibus*. Spiritus vini camphoratus, spirit. matrical. Sapo venetus. Emplastra, diaphoret. Myns. De ranis c. merc. vig. De sperm. ceti & ranar. De melil. Diachyl. c. gumm. ceratum de gummi ammon. Præcipue si his emplastris remixta sit camphora.

§. 48.

Variis commiscentur & interpolantur hæc *resolventia* medicamentis aliis: mox *tonicis*, leniter *adstrictivis*, mox *emollientibus*, externis: mox *temperantibus refrigerantibus*, *internis*. Quæ vero potentia sunt calida, extus magis convenient, intusve cum grano salis

salis sunt propinanda. Emplastrorum quoque resolventium, nisi probe camphoratorum, vis directa resolvens tanta non est, quanto emolliens.

§. 49.


Internum camphoræ usum, in substantia ad unum, vel duo grana in adultis, cum reliquis absorbentibus diaphoreticis fixis & nitrosis singulo octihorio, per unum alterumque diem, adhibitæ in inflammationibus internis, febribusque inflammatoriis tametsi reformident nonnulli medici, ratio tamen & experientia magni facendum confirmant, dummodo sub debitâ administretur cautelis.

§. 50.

Alteri indicationi (§. 42.) quæ scil. congestionem, adfluxum ulteriorem nimium impedire præcipit, *satisfaciendum* est 1.) *Evitatione* ac remotione *causarum* procatarcticarum §. 31. recensitarum, & *substitutione* è contrario *dætæ* ac regiminis appropriati. 2.) *Depletione*, imminutione sanguinis. 3.) *Constrictionum* spasmodicarum, quæ circulum sanguinis impediunt ac inæqualem efficiunt, *relaxatione*. 4.) *Sanguinis sulphurei*, orgastici *contemperatione*, refrenatione. 5.) *Aliarum* à parte inflammata *remotarum*, *vellicatione* & eo facta *revulsione*.

§. 51.

Singulas hasce indicationes (§. 50.) data opera prosequar. Quoad primam. *Aer* & *calor* externus, quantum licet, in justam redigatur temperiem, evitando utrumque extremum, excessus & defectus. *Cibus* & *potus* tenues, diluentes, temperantes sunt o spinacia, beta, lupulo, endivia, pomis, pyris, rad. Scorzon. Crenore tenui avenæ, hordei, chærefolio recenti, radicibus seleri, Petroselini, ovo sorbili, jusculis carnis bubulæ, gallinarum tenuibus, succo citri acidulatis. *Acidorum* enim temperatorum *virtus* egregia *temperans* non modo est, sed & *resolvens*. Crassus, plenus, calidus, aromaticus, salsus exulet victus. Potus sit aqua pura fon-



tana, vel cocta cum rad. gramin. scorzon. acetosæ, hordeo crudo, passulis min. Floribus tiliæ, sem. foenic. Cremor. tart. Flavedine citri recent. Cerevisia tenuis, probe defœcata. Quantitas assumentorum ejusmodi liquidorum multo superet quantitatem solidorum. *Animi corporisque debita tranquillitas conservetur.* Naturalium excretionum, transpirationis, urinæ, alvi &c. progressus liber procuretur.

§. 52.

Secunda, *depletionis*, *indicatio* vel locum inflammatum respicit ipsum, vel massam humorum in genere. Illa est *derivatoria*, hæc *revulsoria depletio*. Derivantia in parte affecta, vel proxima ejus vicinia applicita sunt scarificationes, hirudinum applicationes, venæ sectio, apophlegmatismi. Revellunt & deplent eadem, adhibita loco, à parte affecta remoto. Sic enim utrinque sanguis, quantitate imminutus, non modo redditur aptior ad motum per vaia & partes progressivum, sed in depletione revulsoria quoque invitatur ad locum revulsionis copiosior, ob lumen, quod in hydraulicis vocant, apertum, & minorem resistentiam ibi procuratam. Per derivationem vero sanguinis & humorum stagnantium portio, canaliculos infaciens atque distendenseducta liberiorem pariter sanguini reliquo transpressionem & circulum conciliat, atque canaliculis motum tonicum restituit.

§. 53.

Cum'vero, per *derivatoriam* hanc *depletionem*, humorum directio & decubitus ad partem affectam aliqualiter invitetur, hanc præcedere debet *depletio revulsoria* & sufficienter evacuatoria, vel & ipsa *derivatoria depletio repeti aliquoties*, & inflammatio in locum vicinum ignobiliorem invitari. In gravi ophthalmia interna e. g. venæ sectio pedis revulsoria, aut brachii, deinde demum *derivatoria* venæ jugularis externæ in collo, vel angularis in cantho interno oculi, vel frontalis, imo ophthalmoxysis, (de qua olim Dn. Præses disputationem edidit.) sive scarificationis species in interna palpebrarum tunica instituenda, recte sibi invicem subordinantur.

Quan-

Quantum vero tunc sanguinis hac operatione repetita fuit subdu-
ctum, tantum quoque decessit congestionibus internis, quantoque
plus posthæc ipsæ intumescunt & inflammantur palpebræ, quod
quidem non semper fit, tanto magis liberantur vasa tunicarum oculi
internarum & externarum.

§. 54.

Has tamen *depletiones revulsorias* in principio magis & tem-
pestive, sub ipso congestionum molimine, inque statu plethorico &
vel sanguinis lentore, magis locum habere ratio pariter ac experien-
tia dictat. Aliâs enim per intempestivas, seras, immodicas venæ-
sectiones vel ichor putredinosus, purulentus corruptæ partis inflam-
matæ in massam sanguineam revocatur & resorbetur copiosius, vel
ipsa quantitas sanguinis nimium exhausta non sufficit amplius supe-
randis obstructionibus & atterendis atque resolvendis stasisibus, ipsæ-
que vires improvide conteruntur.

§. 55.

Unde *venæctionem in acutis, inflammatoriis, exanthemati-
cis malignisque febribus nonnisi intra primum triduum feliciter ce-
dere cordati testantur medici, nimiam vero & in ἀκμήν usque
morbi protractam, vel repetitam, non inutilem modo, sed & pe-
riculosam atque funestam dolenda ægrorum strages prodit.*

§. 56.

Depletioni directæ succenturiatur & hæc *indirectæ*, quæ, *ap-
plicito* semel iterumque *clysmate* emolliente, leniter stimulante, al-
voque sic aperta liberaque servata procuratur. Quamvis enim la-
xantium, purgantium, proprie sic dictorum, usum in externis ne qui-
dem inflammationibus gravioribus, nisi deterxivum, minimeque sti-
mulantem, multoque minus in casu internæ inflammationis tantum
abest ut approhem, ut persuasissimus sim potius, veteri hac, imo
multis adhuc medicis, exteris maxime, in hunc usque diem fami-
liari methodo plurimos ad orcum ablegari patientes; Tamen alvi
supra memorata emollitio blandissimaque subductio nullum plane

metum incutit, quin potius liberiorem massæ sanguineæ circulum atque transitum conciliat per innumera illa intestinorum vasa sanguinea, jam minus pressa distenta impedita.

§. 57.

Tertiam indicationem (§. 49.) scilicet *constrictionum spasmodicarum, relaxationem efficiunt temperantia, refrenantia, antispasmodica, nervina, anodyna, lenia, in primis nitrosa, cinnabarina, castoreata, sal vol: succini, Liq. C. C. succinat. Specif. ceph. mich. Pulv. March. Sem. 4. frig. Semen card. mar. pap. alb. Extracta pœon. Rutæ, Papav. err. Theriaca cœlestis.* *Opiatorum* tamen in inflammationibus internis *vel nullus, vel providus* debet *usus esse.* Diæta abstemia, tenuis, & quæ statim subsequentur reliquæ duæ indicationes (§. 59. 60.) cum hac tertia scite jungi debent.

§. 58.

Conspirare cum tertia hac indicatione videtur illa methodus & stratagema quorundam Practicorum, qui sedatis per *refractum corticis peruviani*, aliis adpropriatis remixti *usum* motibus congestoris atque paroxysmis febrilibus, in ipsis febribus acutis inflammatoriis, motus illos spasmodicos constrictorios (§. 31. 34.) & orgasmum sanguinis (§. 34. 59.) compescunt, atque sic reliquis resolventibus temperantibusque medicamentis, conjungendis & subjungendis maiorem parant energiam.

§. 59.

Ad *Indicationem quartam* (§. 50.) nempe *sanguinis sulphurei, orgastici, expansivi, impetuosi temperationem* pertinent: *Diluentia* (§. 45.) *aquea copiosa: Figentia, acidula, ac acida, refrigerantia.* *Potus æqueus* frigidiusculus, aquarum mineralium temperatarum e. g. acidularum Tainacensium; *Emulsiones* è seminibus frigidis, amygd. dulc. Serum lactis, Nitrum crystallinum, tabulatum, Arcan. dupl. Tartar. vitriol. T. sal. essent. acetosel. Succus citri, pulpa mali punic. acidula, *Cremor tart. Spir. Salis, Vitrioli, Essent. nitri dulc. Liq. anod. min. H. Sirupi berber. Granat. Corall. Acetos. citri,*

citri, Rubi id. Nymphææ. Alcalina terrea. Lap. cancr. pp. mat. perl. pp. C. C. phil. calc. &c.

§. 60.

Quintæ denique indicationi (§. 50.) *Nimirum aliarum*, à parte inflammata remotarum *vellicationi* & *stimulo* efficiendis, & procurandæ hinc revulsioni servitnt: *Suppositoria*, *Rubefacientia*, *Frictiones* & *Ligature* asperiores, *suppedanea* & *Epicarpia* acria, stimulantia, in primis autem *vesicatoria*: *Ulcerum antiquorum*, fonticulorum, si fuerint exsiccata, revocationes & recrudescentiæ procuratae per acria cathæretica, stimulantia: *Setacea*. Hæc enim omnia partim alliciunt sanguinem, lympham spiritusque ad partem, cui applicantur, & consequenter revocant aliquantum à parte affecta inflammata, ut hæc subinde liberetur, & inflammatio ad locum, artificio hoc paratum ignobiliorē divertat; partim vero magnæ, aliquando plorantis seri purisque acris, copiæ, novo hoc emunctorio, paratur exitus.

§. 61.

Neque locus, neque tempus, cuius arctis includor cancellis, permittunt, ut *vesicatoriorum insignem usum*, ab aliis magnæ celebritatis medicis exsibilatum, multis rationibus atque observationibus tuear atque vindicem. Sufficit vel solum experientiæ testimonium, quo convincimur, in variis motibus congestoriis, ad caput, pectus &c. in stricturis spasmodicis dolorificis multifariis, quæ stagnationes atque stases sanguinis habent pedissequas, imo & in inflammationibus internis vesicatoria effectus edere plane egregios, è §. 60. facile explicandos.

§. 62.

Setaceorum pariter, auricularum lobis trajectorum & in manatione purulenta diu servatorum efficaciam in variis oculi & palpebrarum affectibus inflammatoriis, ulcerosis, nubeculis &c. summis effert laudibus Dn. Præses, frequentissima convictus experientia. Utitur Is in hunc finem teneris esulæ radicibus, corticali sua membrana obiectis, recentibus, si haberí possint, vel saltem non plane exsuccis nec fragilibus, illasque lobis auricularum transfixas

quotidie bis, terve, reciproco itu reddituque trahi præcipit. Unde lobulorum aliqua consequitur inflammatio, dehinc satis copiosa suppuratio, subinde & abscessus circa aurem externam, magno oculi præsidio ac levamine.

§. 63.

De *rubefacientibus* & *attractantibus* illis *suppedaneis* è fermento pistorum, ruta recenti concisa & contusa, rad. raphani rustic. rasa, sem. sinap. & aceto impastatis, plura dicere supersedeo, tanquam in vulgus notis.

§. 64.

Apophlegmatismos §. 52. allegatos, s. medicamenta lympham viscidorem, salivam tenacem incidentia, eiusque copiosiori famulantia excretioni, in stasi mere sanguinea non æque, ac mixta serosa & in illis quidem casibus potissimum, scopo derivatorio, locum habere, ubi subjectum morbi est in illis partibus capitis internis extensis, quæ glandulis, salivam mucumque fundentibus sunt propiores, quilibet facile perspiciet. Quid vero apophlegmatizonta valeant in coryza, oculorum affectibus, aliisque stasibus leviter inflammatoriis tonsillarum, glandularum submaxillarium, parotidum &c. praxis abunde testatur.

§ 65.

Denique ne videar turpiter oblitus illius inflammationum dissipationis, quæ per, sic dicta obtinentur, *repellentia*, paucis hæc moneo: Primo me jam injecisse mentionem (§. 48.) tonicorum, leniter adstrictivorum, quæ resolventibus, usu externo, mox commisceri, mox interpolari possint debeantque, quibus scil. medianibus & rapidior sanguinis in affectam partem adfluxus reprimatur, & canarium nimis distentorum constrictio, contenti vero stagnantis propulsio procurentur: Secundo minus tutum esse usum repellentium stricte sic dictorum, fortiter adstringentium, frigidorum in vera stasi inflammatoria: Tertio tamen eundem esse tutiorem ac convenientiorem in inflammatione, quæ fit per ~~tertiv~~ quam quæ per ~~tertiv~~ (§. 34. 35.)

§. 66.

§. 66.

Sic quanto tutior est atque præstantior præservatio repul-
soria metuendæ ac fientis inflammationis, e. g. in punetione bulbi
oculi, s. casu facta, s. studio, in operatione cataractæ, hypopii &c.
aut in spina cuidam parti infixæ; tanto suspectior est & periculosior
repulsio criticæ, consuetæ, ab internis ad peripheriam vergentis,
aut defixa& penitus formatæ cujuscunque externæ stasis
inflammatoriæ.

T A N T U M.



MUTRA T

